

國家圖書館分館編

清代孤本方志選

(第二輯第十二冊)

江西

廣永豐縣志〔康熙〕二十四卷

重修永豐縣志叙

古今之事莫大於鼎革名教之
關莫過於忠孝當鼎革之後而
采忠孝之文因以攷河山之雄
固知風俗之淳澆徵前事鏡得
失天下萬世之文章無復有至

焉者矣寧區區一邑之志已哉
卽僅以志論則伏羲氏之九丘
寔開其原而禹貢列九州周官
詳職方漢丞相何收圖書以知
天下道理阨塞戶口賦稅之數
則志之有關於治原不細也故

司馬遷八書無地輿而貨殖傳
稍見之班固地理志詞雖簡
而未詳後世郡國沿革分野俗
尚之書卒不能外有明天順間
集一統志稱浩渺矣而天文戶
口田土賦役道里之遠近山川

之險易多畧焉識者詭其撫拾
前代徒矜博識而非治世之書
也朕自明以來郡邑必有志或
詳或簡文雖不同其上關國計
下係民風蒞治者有所取鑒以
爲出政臨民之本者無不同也

昂

志之所係固甚偉哉豐志修於
萬曆戊午迄今五十餘年矣中
間革故

新葢天地間一大結構時也河
山無異習俗多移橋梁道路馬
過頻疑宮觀樓臺燕來不識沿

革建置之不同積儲兵衛之漸
少以至秩官科目學校版籍經
祀古蹟之或存或亡不知凡幾
庚戌夏余脩員茲土獻遠文亾
前徽莫景古人謂情隨事遷寧
不感慨係之也哉因走函戚友

昭

亮采李君共勲厥事辛亥冬初
乃得搜輯舊聞博采軼事以繼
有明五十餘年之往軼以成
代億萬千載之新書集成謀筵
之叙余思舊志各小叙言秩官
不過曰從殘碑斷簡中搜其姓

名兩已言科目不過曰人文之
盛而已風俗不過紀其好尚制
置不過列其坊亭學校僅侈巍
巍積儲僅存名目水利徒曰陂
塘物產徒曰塉猥傳賢牧而無
所規戒傳先賢而無所激揚

前人所謂帳簿也於治世之書
何與焉余皆易以俚見事事責
之有司使後人讀斯志者憬然
思復矍然懼庶於古人倫志之
意有當焉者矣乃仙釋一志自
古採之以補政教所不及而舊

志缺而不載雖曰閑吾道之嚴
反以示吾道之不大今特補而
輯之至於

鼎革之際忠臣義士孝子貞閨皆
我

皇清景運之所兆開人瑞之所由

新

著也采勝國之一長正以振
新朝之正氣集一時之偏節正以
培萬世之彛倫因開筵之傳以
俟採風焉雖豐邑深山筵治面
水篋廬松峰靈鷲燦列芙蓉六
石三巖青排雲漢碧澗涵綠

溪環秀鍾山川之靈者自應代
出偉人以光史乘而又加以
皇朝之雨露沁入人心慷慨激昂
之士更復不少將見王貞白之
道學張叔夜之忠勇施師點之
宏正他日必有聯鑣叠出以贊

皇圖以鞏 盛治者寧第一二老

生之激烈寡婦之硜硜足多
哉是則敦勵末俗振起人文固
上賴

朝

廷之培植而區區一志或亦微
有功焉者乎若夫作志之法有

褒無貶立傳之體寧嚴勿濫滄
海遺珠之嘆循名失實之說則
耳目所不及者人或乘之以私
而非余之所敢私也筆之削之
尙竢後之賢者世有班馬勿過
嗤焉是爲叙

告

皇清康熙十平歲次辛亥孟冬月

文林郎知永豐縣事桃源夏
顯煜頓首再拜題

